

潮州府志
(乾隆)
六

ISBN 988-978-316-9



9 7 8 9 8 8 9 7 8 3 1 6 7 1

二〇〇六年三月

中國海疆舊方志

選題組織策劃：蝠池書院出版有限公司

發行者：蝠池書院出版有限公司

出版者：蝠池書院出版有限公司

香港九龍旺角花園街二十六號好景商業中心二十三樓二三〇九室

電話：〇〇八五二一六五五九二三七〇

傳真：〇〇八五二一三三八八七九〇〇

定價：人民幣 九五〇〇〇元（全書共三百一冊）

潮州府志 卷二十八

年重修

潮州府知府周碩勳輯

人物上

天之生人曾不擇地而山川精氣蘊釀鬱積必
遲之久而後發抑又何歟潮自天水開風會之
先卓犖英奇踵武相望雖出處殊趨顯晦異跡
莫非樹績人群主持風教以逮方技緇羽肇悅
者流其足供徵文考獻代不乏人也我

朝累洽重熙教化所漸濡者訖暨無外嶺服南離
之方其光賁而古耀矣則紹往緒以啓將來

彬彬聲明文物之區哉志人物

名臣

宋

林從周海陽人景德二年進士授南安簿爲主計者

所器使涖劍州銀冶擢大理評事筦權永嘉遷寺

丞知考城縣王欽若出刺杭州奏辟爲副授太常

博士通判軍州事伉直不阿尋入爲屯田員外郎

轉開封府推官杜私謁不避權貴莊獻太后知其

名矣事多所嘉納手詔褒之民有殺兄子以攘財

者事覺坐法其人已死子以母之義召之人

使子無狀致戕兄刦財虐矣必無全理
可孫雖幼足侍養太后可之卒配海外轉度支員
外提點浙東西刑獄仁宗郊祀恩從周例廕一子
念弟從善早世奏畀其子其後子弟食祿於朝者
至二十餘人

王大寶字元龜海陽人建炎二年舉進士第二授南
雄教授監登聞鼓院以祿不逮養移病歸奉祠祿
趙鼎謫潮從講論語起知連州張浚謫連與其子
棊講學浚還言連英循惠新恩六州居民纔數百
年買遷之地乞蠲免行錢報可改袁州進詩書易

角上稱其留意經術召除國子監司業兼崇正殿
說書奏覈江南諸州月椿錢減折帛以惠民進直
敷文閣知温州提點福建刑獄漳州有蔡岡叢薄
蔽翳山石犖确盜乘間剽劫大寶募民抉藪甃道
十餘里行者便之改廣東提刑初孝宗居潛邸大
寶請聖斷擇可立者寵以王爵繫中外望高宗嘉
納孝宗卽位除禮部侍郎大寶言致治先明國是
今日和曰戰浮議靡定陛下念祖宗積累之業痛
河朔陷溺之民亟圖修攘斷而行之斯中興可冀
也擢右諫議大夫首論朱倬沈該罪狀力

襄敗衄疏再上謫徹台州遷大寶兵部侍郎
復張浚爲都督視師江淮迨符離失律羣言洶洶
命以敷文閣直學士提舉太平興國宮起居郎胡
銓奏曰王十朋王大寶相繼外謫非國之福詔留
之湯思退主和議請罷督府大寶又奏危疑之際
貴於果斷小却大勇斯可圖功今國事莫急於恢
復莫讎於金人乃以符離一敗遽罷邊防挫國威
而張敵勢竊爲陛下憂不聽連疏乞骸未幾金復
入犯上曰悔不用大寶言乾道元年召爲禮部尙
書人對言理財要在務本抑末右正言程叔達奏

大寶復免行錢非是罷歸尋邁疾疾革嘆曰恢復之期無望矣卒年七十七著諫垣奏議六卷經筵講義二卷遺文十五卷

元

陳士顯潮陽人少穎異博通羣書元初舉賢良方正召對大廷正元間擢高第授國子監助教累遷集賢直學士侍御史大德中流星日食之變士顯言事過切直出爲江西道卒於官

明

蕭鑾字景和漳州籍祖詢知潮陽始家焉鑾

登宣德丁未進士拜行人使甘肅却哈密饋

其廉擢監察御史勘大獄百餘人無顯狀鑾力爭
之得未減出爲廣西提學坐族人事被逮尋復職
補湖廣僉事時楊珏知黃州與衛鎮撫許奏鑾按
如律珏坐謫戍母憂服闋補福建僉事尋擢山西
副使霍州守趙瑄故通政使也牟利害民上官多
徇庇鑾獨劾奏瑄削籍士民稱快居二年乞歸

鄭安字康民海陽人弱冠以春秋鄉薦第一登景泰
甲戌進士授監察御史糾彈不避權要成化初抗
疏陳八事多見採用南畿星變疏請策勉大臣戒

飭在位言甚剴切尋遷陝西副使時番族龍駝等
一十五族爲邊害巡撫檄安抵番界撫諭之皆詣
軍門降有二族佯服尋叛去安設方畧討平之以
南洮河及西北路諸要害爲番賊出沒之區皆築
堡設屯據勝守禦復言番僧進馬多詐濫以錦綺
制戰袍宜加裁抑固原州土達滿四等踞石城架
砲山作亂出師討之滿四就擒居官二十年敝廬
環堵怡然自得後秩滿歸省卒於家

曾用升字起東號九虛海陽人萬歷辛丑進士授行
人升監察御史巡按河南人稱鐵面歷官尙寶司

少卿性嚴峻落落寡合家計蕭條二子貧不能
存

蕭龍字宜中潮陽人少穎異嘗從邑進士劉玘遊玘
獨器異之天順己卯領鄉薦成化丙戌成進士任
南京戶科給事中遇國家大計輒抗疏引論不避
嫌怨憲宗時雷震奉天門上疏劾大臣不職權要
借端傾陷戊萬全邊士從遊者幾百人殷謙秦紘
余子俊等相繼撫邊皆待以殊禮會恩詔恤諸戌
臣夏官卿馬文升復爲辨誣復故職休致家居築
草堂於西部號湖山逸叟著湖山類稿

方璣字宏瓚潮陽人天順壬午舉人授南京兵部司
務歷職方員外武選郎中時中官蔣琮貪橫無狀
璣劾之數其十罪忤旨逮繫三原王公恕疏救乃
免宏治初董修益府勞瘁卒崇祀鄉賢

吳一貫字道夫海陽人成化辛丑進士知上高有聲
擢御史巡按浙閩懲貪靖寇所至肅然以事與壽
寧侯忤毆之折齒太后怒將置之死孝宗憐之獲
免累官大理寺少卿後又以直言忤劉瑾謫嵩明
州同知歷陞江西按察司行部至奉新病卒民哀
之爲立祠

薛侃字尙謙揭陽人性至孝正德丁丑成進士卽以
侍養歸師王守仁於贛州歸語兄助教俊俊大喜
偕羣子姪宗鎧等往學焉自是王氏學盛行於嶺
南世宗立侃授行人母訃隕絕五日始食粥嘉靖
七年起故宮聞守仁歿爲位以哭時方議文廟祀
典侃請祀陸九淵陳獻章九淵得報允已進司正
十年秋疏言祖宗分封子弟必留一人京師司香
有事居守或代行祭饗列聖相承莫之或改至正
德初逆瑾懷貳始令就封乞稽舊典擇親藩賢者
居京師慎選正人輔導以待他日皇嗣之生此宗

社大計帝方祈嗣諱言之震怒立下獄廷鞫主使者南海彭澤爲吏部郎因議禮附張孚敬官至太常卿侃以疏章示澤澤與侃及少詹夏言同年生而言是時數忤孚敬澤默計儲副事觸帝諱必興大獄証言同謀可禍也給侃藁示孚敬因報曰張公甚稱善當從中贊之孚敬乃先錄侃藁以進謂出於言請勿先發以待疏至帝許之侃猶豫澤頗趣之乃上拷掠備至侃獨自承累日獄不具澤挑使引言侃瞑目曰疏我自具趣我上者爾也言何豫會廷臣再鞫具得其實帝出孚敬密疏示廷臣

斥其伎倆令致仕侃爲民澤戍大同侃至潞河遇
聖壽節焚香叩祝甚謹或報參政項喬曰小舟中
有民服而祝聖者喬曰必薛中離也跡之果然中
離者侃自號也歸家益力學從遊者百餘人卒年
六十所著有研幾錄圖書質疑諸書隆慶初復官
贈御史祀鄉賢

薛宗鑑字子修號東滋行人司正侃從子也嘉靖癸
未與從父橋同成進士授貴溪令補將樂調建陽
求朱子後復之以主祀事歲饑賑倉粟先發後聞
給由赴京拜禮科給事中以逋賦還原任至則民

爭輸課更最再遷戶科左給事中劾冢宰汪鈇肆
奸植黨擅主威福且縱二子爲奸利乞立正厥辟
因會紳疏內有誣臣杜口語帝怒罷鈇官而責宗
鎔等言不早執下鎮撫司鞫訊杖闕下死隆慶初
復宗鎔官贈太常少卿祀鄉賢

翁萬達字仁夫揭陽人嘉靖丙戌進士授戶部主事
遷郎中出守梧州咸寧侯仇鸞鎮兩廣縱部卒爲
虐萬達縛其尤橫者杖之聲績大著會朝議將討
安南擢萬達廣西副使晉叅政專辦安南事先是
莫登庸大言中國不能正土官弒逆罪安能開